

先賢傳

先賢之信！

萬世永存，

火中不滅，

刀中猶生；

我衆思念先賢聖績，

心中亦覺踴躍奮興。

先賢守信，

雖進牢獄，

不減快樂自由精神；

後人若能因信捨身，

從容就義，

立地永生。

先賢守信，

前驅引領，

我衆繼續勸導萬民，

同上光明真理路程，

達到快樂自由之境。

先賢守信，

爲愛犧牲，

我願兼愛仇敵友人，

專用溫柔善良生活，

梯山航海，

廣宣此信。

先賢之信，

聖潔堅貞，

我願到死虔守此信。

此守信歌也，（普天頌讚三三九首）歌成於公元一八四九年，流傳垂今已百載，福音傳入炎灶，年期前後也正相同。

緬懷先賢守信堅篤，經始之心，光大之功，百年來所經非一，雖「刀」「火」「牢獄」，逼迫交加，不稍移其信，而薪盡火傳，誠足爲我輩前驅引領。今日誦此歌，意義倍覺深遠，爲追思前賢，策勵後輩，爰爲「先賢傳」以誌不忘，並錄守信歌以序之。

編者

陳樹銓牧師

潮惠長老會首擢牧師陳樹銓，潛德至行，虛職立功，名著聖會之間久矣，牧師潮郡人也。生長宦門，聰穎明敏，少孤，事母以孝，壯而獨先信道篤行。嘗隨名師研究聖道，學優登庸，自派傳福音，舉課大學以至任汕頭長老，廣炎灶等會牧師諸職，皆首得重託，而能本愛救主之心，循聖經之法，以整躬施教，俾教會根深址固，信士進修，頑民向化，蒸蒸日上，日感月新，而大會事宜，更賴贊助，得臻純美，若夫蕩平外患，轉危為安者甚多，如塘美信士遭鄉衆搶逐，棉湖堂會被兵勇擄害，牧師維持其事，強橫折服而相安，實以老成持重，故事皆得理耳，至其為會難而歷艱辛者，又復不少，如大澳被擄，詔安被擊，踰之不懼，處之能安，若非道鎔于心，曷能如是，顧功成不伐，受苦不怨，洵堪矜式，牧師之竭忠教勇，和藹仁慈，昭彰耳目，豈特教會信輩感德悅服，即同職亦莫不欽佩景仰，壬辰春沾肺疾，醫藥罔效，臨終之際尚向母媳妻子慰誨諄諄，俾凡侍問者聆音感激，同年七月念三日在汕頭溘逝，享年五十有五。

劉澤榮牧師

牧師劉澤榮，字雨蒼，廣東饒平浮山鄉人也。生於一八

鹽灶堂會百年紀念刊

六六年，髮齡信道，天資明敏，博愛多能，由小學而中學而神學，學輒冠羣曹。賦性耿介，天真率直，每有所知，則直言不諱，議論風生。畢業後任公平，炎灶，聿懷教職，繼而應考進名。一八九三年澄海炎灶堂聘為牧師，在任八載，循循善誘，督導有方，創設泮洲，仙洲二支堂，聲譽日溢，會務騰達。庚子難作，舉國騷然，炎灶堂亦受波瀾，幾臨於絕，事平，受西教士會聘任貝理神學院教授，歷三十二年，上下情摯，學者孜孜，春風化雨，桃李滿園，今日在教會服務人員，幾全屬牧師門人，牧師功在教會，化被嶺海，卓然可頌。牧師於嶺東大會暨區會，翼贊會務，師表羣倫，更為偉大。歷任大會區會會長，紀史考試公例教育宣道等要職，各堂公私事務，亦頗多贊助，更因教會環境偏僻見聞旬報，嶺東基督教會報，獨任編輯發行。會出席閩，廣，港，滬各地會議，參贊會務。一九二二年海嘯為災，澄濱放賑，或機播道，創設宣道堂于蓬南之南生埔，苦心經營，東聘教師，巡視慰勉，竭盡心力，不辭勞苦，一九三一年，西教士會移交貝理神學院歸區會辦理，篤念牧師賢勞，作育人材，服務教會，矢勤矢忠，特行開會褒獎，贈盾紀念，額曰：「滿園桃李」。牧師雖年逾古稀，而身健體強，精神奕奕，汕頭淪陷，仍留島上協贊會務，安撫流亡，糾合同志，領回錫安堂，信徒崇拜，重慶得所，老當益壯，誠苦難中教會之柱石也。方期長享遐齡，藉作人範。不意主旨有定，竟於一九四二

年八月十七日午夜，無疾而終，榮膺義實，享壽七十有六。男女公子七人，俱能克繩祖武，內外孫二十餘人，螽斯熾熾，瓜瓞綿綿，牧師可含笑矣。

官集成牧師

官集成牧師，號樂如，原籍普屬之溪橋鄉人也。賦性明敏，自少隨父讀書，四書五經，頗有心得。繼乃翁信道，求真理，玩索聖經，傾心信從，二十歲受洗進教。中年由韋懷而道學，畢業後，肩傳道之職。繼入課律懷五年，繼又課道學三年，生徒多趨公武種，肩任教職者。在汕頭課徒時，更兼任其堂會執事長老之職，佐理公務。一八九一年考試進名，一八九五年，受新亨等會之聘任牧師職數年，又歷任拓林炎灶廣美之牧師職，共二十四年，並巡視海山南澳宣道會事務，溯其在職之年，為主忠兵，聖會之砥柱，不阿私情，不屈威武，不辭勞苦，不懼怨言，遵依主道，秉直督責，一八九九年春致疾，即辭事靜養，不意醫藥罔效，善戰盡程，延至十月十三日，溘然逝世，享壽五十有九歲，會衆聞之，震悼良深，出殯之日，各界執紼送行者數百人，牧師五男五女，俱名於時。

林章造牧師

林牧師章造，澄海炎灶鄉人也。幼從賓爲鄰牧師學道受洗，後就吳威靈醫士習醫，業成問世，旋受延返汕頭福音醫院襄理醫務，兼任汕頭堂會執事長老，前後歷卅餘年。活人救人，有口皆碑。既又辭事旋梓，期月後汲約翰牧師邀任傳道，會庚子之亂，牧師應處泰然。一九〇一年，汕頭堂會擢爲牧師，潮惠長老總會特准汕頭長老大會進其名而立之，牧師具道貌，篤信仰，性率直，善辭令，兩任汕頭牧職，共十餘年，解紛排難，任怨任勞，巡視督責，恩威並濟，嚴正忠誠，教會咸稱之。旋以壽高年邁辭歸故里，年逾古稀，體雖矍鑠，氣咳頗艱，然仍關心教會，造益堂會者不少。一千九百廿五年六月一日，尙到堂禮拜，五日午後，奉召歸主，安然而逝，享壽七十有七。子六女三，均成立。長男任牧師，三男任長老，二四男任執事，內外孫總五十餘人。

林芳牧師

林芳，字文權，澄海炎灶鄉人也。生於清咸豐六年，潮人之任牧師職者，翁爲第二人，先君子續順公，信教最早，翁之信道力行，蓋有夙根焉。少聰慧，好讀書，於基督真理尤有心得，年十七，感聖靈，立志傳福音，既卒業於貝理神學院，即任傳道教職者七載，生徒得其陶化而成師資者，大不乏人，旋考升牧師，持躬益謹，宣傳益勤，歷任揭邑十

數教堂牧職者，凡三十八載。所至拯溺起迷，靡不向化，教會難，則虔誠禱告，安慰會友，百方扶持，後任區會大會會長，屢次參加全國教會會議，嘉猷嘉模，尤著勞績，堪稱嶺東道師。年七十，自以精力漸衰，乞退休，而會友尚以續服務相強，卒徇京崗堂會之請，而垂訓一年，翌春始獲卸仔肩焉。然猶常與各堂牧師巡歷會友，勸教聖教。汕頭區會復持請為特別會員，俾贊會務，以翁猶精神矍鑠也，翁為人志誠勤敏，見義勇為，修己濟世，蓋能發揚基督之精神，一九四一年十一月十七日，蒙召安歸天庭，子四女五，一門子孫為教會長老執事，有任炎灶堂者，有任潮安堂者，有任錫安堂者，有任伯特利堂者，皆係為教會服務，疏財好義，濟孤恤貧，歷來獲此忠德牧師之贊佐，功績殊多。

林慕知牧師

牧師林慕知，號樂聞，澄海炎灶鄉人也，生於一八七五年。賦性勤敏好學，自幼肄業炎灶堂會福音國民學校，暇時隨取海利。廿歲充國民福音學校教習一年，廿一歲，入貝理道學院。畢業後歷任揭邑汕美等堂會教員傳道之職，卅二歲受大會考試，蒙准取錄傳道職，一九〇七年受奔湖等會之聘任牧職四載半，克盡厥職。辭任歸家，一九一五年，受區會派署理揭邑等會二年有半，受汕頭長執會聘任蓬洲支會傳道

。一九廿二年受派駐棉湖堂傳道，會眾愛戴。八二風災，牧師至親骨肉罹禍者十餘人，聞耗傷心，憂勞成疾，原期赴五經富就醫，以企健痊，殊不知主旨有定，醫藥罔效，竟於是年九月廿一日受主寵召，享年四十有八。

林重三牧師

林牧師重三，字漢卿，廣東澄海之炎灶鄉人也。幼時隨母信道，勤勉好學，有大志，耐勞苦，時人多重器之。小學時獲獎學金，遂入華懷中學，而貝理神學。畢業後，受派河口堂傳道，本於幼學壯行，敦品礪節，待人接物，一秉至誠。賦性寬厚，溫而厲，恭而安，威而不猛，儉而不嗇，故老幼咸宜，內外同欽，聲譽雀起。嗣受伯特利堂之聘，尋價十倍，遐邇知名。無何，重膺煩口，聯堂聘為牧師，舊地重遊，駕輕就熟，事半功倍，會務蒸蒸日上，人材濟濟而輩出，旋乃移居砲台，計劃籌建新堂，然好事多磨，新堂甫慶告成，而海潮為災，颶風肆虐，堂宇倒塌，全家雖幸免難，然重建堂宇，殫精竭慮，奔走募捐，煞費苦心，已可概見。一九二五年改任潮安堂牧職，本其經驗，發展長才，建築新堂，籌設幼稚園，擴充治平小學校，成立婦女佈道會，蔚成大觀，咸極一時。牧師於嶺東大會暨區會，歷居要職，建樹獨多，貢獻殊夥，疊次受派出席港，滬，閩，廣，蘇，杭，青島

全國總會重要會議，對於新式主日學，研究頗具心得，故提導不遺餘力，終以經濟人才未能貫徹初衷，深致遺憾。一九三八年復改就汕頭伯特利堂之聘，因積勞成疾，履任旬餘，宿疾遽發，謹遵醫囑卸職休養。借主旨有定，藥石無靈，休養罔效，遂于一九四十年一月息勞膺賞，享壽五十八。

林受天牧師

受天牧師姓林氏，世居澄海鹽灶鄉，生於一八七四年，嶺東大會先進章造牧師之長公子也。幼承庭訓，且受基督教教育，由小學而中學，深得基督教義，乃決心獻身為主工作，以繼父志，遂入貝理神學院，研究神學。一八九八年畢業，受派任聯廣美汕尾龜背等堂會教師，先後共十載，努力自修，考取進名獲牧師職，膺聘歷任柘林，黃崗，海山，竹橋等會牧師，共廿八載，化治有方，足跡所至，靡不向化從風。曾任嶺東大會汕頭區會會長，五運幹事等職，理贊中樞，事功可紀。耳順告老，原可卸却仔肩，以享餘年，而仍關心教會，以責多工少，樂意分勞，再任汕頭伯特利錫安鹽灶等會義務牧師。跡其生平，自奉儉約，治家有方，待人禮，勤勤勤，方期天假之年，以勵後進，詎料神旨早定，竟于一九四六年八月二日蒙主寵召，樂歸仙山，享壽七十有二歲，牧師有男六女二，皆後起之秀，除六兒不幸早夭外，皆能成

立，克紹先人。長執醫業，次經商國內外，稱商界鉅擘，又復好義急公，長女歸王牧師超英，內外子孫四十餘人，牧師忠誠為主，勤勞服役，克盡厥職，以至終身。

林績順長老

長老諱旗，號績順，炎灶鄉人也。溯生于一八二〇年八月廿日，卒于一八九一年，正月五日，享壽七十有二歲。嶺東版主先進，炎灶教會初實之碩果，首任傳道及長老職者也。一八四九年二月，黎牧力基，載福音入潮，蒞鹽佈道，翁聞而信，守道遠俗，於一八五〇年十月九日受洗禮。是後屢遇試，備受親族脅逼，志稍餒，旋恢復。遂矢志金堅，決棄祖道，直道而屆。雖歷遭多艱，而百折不撓，信行彌篤，黎牧殊器重焉！黎牧別後，迺道統獨肩，力維絕紐，守信不渝。治家牧為鄰蒞汕，翁遂導引來鄉，復興教會，而任宣誨。歷任長老職，嚴正虔誠，導指有方，道根鞏固。翁性剛毅，嫉惡如仇，寧吃虧，不貶正氣。治家教子，一秉經訓，且厚德配陳氏，同心同德，齊家睦族，教會仰徽，遐邇讚揚。翁之哲嗣，長文智，任長老，次文耀，任牧師，三文棧，業醫傳道，任長老，四文榮，亦任長老傳道，長女腓比，歸李門，次女羅大，歸蟻門，滿門俱肩聖職，善繼善述，算爻克紹，顯見先人遺風，于今，翁內外孫會，六百餘人，蔚然成

族，繼繩祖武，裕後光前，歲在甲子，鹽灶新堂落成，舊堂闢為學校教室，而翁之哲嗣，文耀牧師，文拱長老，昆季子姪，久有念先之念，鹽灶教會長執會，因函請捐資，仍志上教堂故址，築樓以紀念厥先翁績順公，而作禮堂之用。斯樓落成，顏曰：「績順公紀念堂」，而今堂宇巍峨高聳，遺像輝煌，音容宛在，蔚然壯觀，斯誠帝恩之渥，亦先進道基之翠，官其子孫，與教會之同紀念也。豈祇壯觀瞻，起孝思，勸後進已哉。

林廉長老

翁諱文潔，澄海鹽灶港頭人，生于一八二七年，壯歲信道，為炎灶教會之先進者。先後與林旗林益鄰林勳諸翁，同任鹽灶堂長老職，盡瘁終身，至一九〇〇年始行告退。生平信道甚篤，在房親迫逼掘地活埋之威脅下，非惟無動于衷，且效士提反之跪禱，竟令迫逼者軟化，而免于難，其事主虔誠，每于拜六夜十一點鐘零，必至堤岸報時，萬呼同道打魚，不要打着安息日，以是甚得信眾之推戴，而為歷任教牧所倚重也。

林績寬長老

鹽灶堂會百年紀念刊

翁諱慶和，字績寬，澄海鹽灶港頭人。剛毅誠樸，為主竭智盡忠，獻身傳道，見重于時，凡創新堂，衛教會，輒受派任艱鉅而不辭，所到備受信眾之歡迎，而為敵所側目。庚子之亂，幾罹于難，盡程告老，退休之年雖失明，未嘗一次停止赴堂禮拜，且以教師長老地位撥贊事工，其始終事主之虔誠有如此者，歿於光緒卅三年八月十九日，享壽八十歲。

陳順勝長老

長老陳順勝，澄海鹽灶鄉人也，少孤貧，賴母撫養。幼明大義，事母孝，性剛毅，寡言笑。及長，由母引之信主。妻林氏，係重衍翁長女，性賢淑，同遭逆境，屢受諸艱，而信心愈篤，守道彌堅，年三十餘，勤勞不倦。憶五十年前，風氣閉塞，鄉人每與教會為難，庚子難作，教會更遭多故，本會能應付裕如者，長老與有力焉。壬戌八二海嘯為災，長老家中遭禍特甚，而能安帝旨，服膺經訓，有約伯風，受創雖鉅，猶念鄉民之流離失所，捐鉅資購米辦藥，以救飢治病。本鄉鄉公所特為題匾嘉獎。更蒙主恩加被，子孫蔚然。生平視公如己，不但為主為會，鞠躬盡瘁，即鄉中公益，亦靡不熱誠贊襄。晚年雖卸仔肩，而仍關心教會，教會倚重方殷，遂於一九四一年一月十七日，安然榮膺帝召，享壽八十有一。男六女二，內外裔孫共八十餘人。

林文智長老

翁澄海鹽灶上厝人，先進林旗翁之長子也，為人足智多謀，治家勤儉，教子有方，虔誠事主，為道盡忠，自一八九四年隨先進林廉翁任堂會長老之職，輝聯以迄一九〇三年，五月廿八日歿於任中。庚子之亂，教會多事，翁擘劃應付，厥功不少，翁遺女七，俱為教會後起之秀，子一，蓋即鹽灶堂會中興柱石之章龍君也。

林起長老

長老林翁，字騰高，號諱文拱。生於一千八百五十七年十月十八日，世居澄海鹽灶鄉，父續順公，為嶺東教會初實之英，昆季四，翁行三。幼承庭訓，堅信基督，肄業於教會學校，迨教士會創福音醫院於汕島，遂負笈焉。翁稟賦聰穎，道承衣鉢，學有薪傳，醫事之暇，博覽羣書，工翰墨，善書畫，時人以得翁尺幅為寶，在院自學生以至長副，先後四十餘年，活人無數，翁復熱心主道，誨人不倦，登台演講，聽者感悟，提倡教會自立，贊襄區會、政工益著勳勞。曾親到各堂勸誨領導，旋被汕伯特利堂聘任教師，在職數載，會務日進。會潮安福音醫院院長乏人，聘翁主之，翁慨然

接受，蓋翁不特為人身體解除病苦，而尤以引人歸主，拯救靈魂為志。及老旋鄉，本鄉教會更獲其益，每逢主日與駐堂牧師分工傳道、訓練主日學，不惜苦口婆心，汲汲以闡揚聖道，宣傳福音為己任。堂牧得之襄助，理益良多。翁於教會一切捐款，表率全會，主日踰應病家之請求醫治疾病，而以所得藥醫之資，作為賑濟貧乏之用。教友病延診，體恤備至，證翁存心濟世，博愛為懷。歷任教會長老，克盡厥職，年事雖高，而精神矍鑠，氣體雄健，性慈祥，和藹可親，後生小子，每樂與遊。翁談笑講古，令人不倦，一九四四年，夏曆十二月初三日，應主寵召，安然歸去。享壽八十七。

林為鄰長老

翁澄海鹽灶上厝人，先進林旗翁之幼子，追跡先進，事主虔誠，其封翁卸職之日，即彼繼任之時，自一八九一年起先後與林廉，謝有明，林勳，陳順勝諸翁輝聯任鹽灶長老職。庚子之亂，教牧避禍離堂，翁主持教政，與林勳諸翁共維艱鉅，亂平後，人數日增，擴居堂宇，翁倡率之力也。

林文和長老

長老姓林氏，號文和，澄海鹽灶鄉人也。幼隨祖母信主

，同遭凌迫。及長，僑居汕頭，就學謀生，勤習聖道，篤信
敬行。一八九五年任汕頭堂會執事。一九零五年擢任長老，
服務維勤，更得先進之指導，治會尤有高見。潮惠信徒與親
友者，多獲鼓舞。長老常與同人佈道於蓬洲、臨汀等處，凡卅
載，一九一九年，汕頭分立堂會於崎碌，因家所在，遂隸伯
特利堂會。繼任其長老職者又四年。事主益感，衛道彌切，
於區會大會事務，多所贊襄。雖年高休假，而體力康強，仍
事週巡會友，方期望重嶺表，勸慰引導，提攜有加，乃竟於
民國廿五年九月十八日安然逝世，享壽七十有四，長嗣之純
牧師，任區會幹事，其餘子女裔孫均能繼先志，同心事主，
為主發光，誠長老教育有方也。

陳益廷長老

陳長老益廷，諱宜謙，嶺東教會首任牧師陳樹銓公之長
哲嗣也，籍潮安，生於一八六九年十月十三日，賦性淳樸，
天資聰穎，幼隨父樹銓牧師駐堂攻讀。一八八六年畢業於聿
懷中學。一八八九九年畢業於汕頭福音醫院。擢理院務，凡歷
九年，繼創益生藥房，治病濟世。一八九四年任汕頭堂執事
。一九〇二年升任長老，迨一九一九年，汕頭堂分爲錫安，
伯特利兩堂，翁連任伯特利堂長老之職，至一九三五年，因
年邁體弱，始行告退。先後計共任長執四十餘年，在職期間

與凡一切重要會務，翁均親任艱鉅，不避繁難，竭盡忠誠，
多所建議，及退職後，仍本其爲主服務之誠，對於巡視鼓勵
佈道賑濟等事工，樂于領導，不遺餘力。翁性慷慨，樂捐好
善。一九三二年捐建伯特利堂辦公室及教牧住宅各一座。一
九三六年，復竭力捐建臨汀錫恩堂全座，其後倡捐三千元爲
該堂自立基金。一九四〇年當其古稀壽誕之日，移其兒女奉
獻壽金，捐助區會傳道部款四千元，及鹽灶孤兒院經費一千
元，其熱誠愛主。急公好義，有如此者，翁原配林氏蓮音，
繼娶林氏寶玉，育男四女二。一九四四年七月十一日安返天
家，享壽七十有五，內外孫會數十人出殯之日，執紼者甚衆
，其德望重人足以概見。

林章寵長老

林長老章寵，澄海之鹽灶鄉人也，幼習信誼，崇善教，
弱冠商於鄉，具長者風度，鄉人爭附之，聲譽雀起，遐邇景
仰。會政府倡辦鄉團，遂被舉爲團長，辦事一秉公理，力抑
強權，內外敬服。而於宣傳福音，宗教運動，夙其熱心，竭
誠倡導，息息不忘，鹽灶新堂建築，蔚成大觀，長老學劃提
倡之力居多，八二風災，受創甚鉅，然以劫後餘生，又復竭
力代理賑務，其急公有如此者也。且以宅心公正，操守廉介
，疏財仗義鳴於時，故寄託者往焉，借貸者往焉，冤抑者往

焉，請益者往焉，長老皆一一諾之，因而頌德載道。全國教會提倡五運奮進佈道，乃急聯同志，合資專聘旅行佈道員一位，以廣宣傳，藉補缺憾。更以人格證道，引人歸主為首要，向各同道，時加勉勵。嗚呼！長老誠可風矣，方冀以其英年，掃除障礙，造福鄉邦，發展天國，不意主言早定，竟於一九三一年三月十八日於汕頭旅次遽染沉疴，醫藥罔效，溘然長逝，享壽三十九歲。遺下男三女三。噩耗傳來，聞者震悼，醜資建築鄉公所，顏曰：「弈世流芳」以垂永念。

林性道長老

醫師諱性道，號悟軒，澄海鹽灶鄉人，章造牧師之第三子也。天資聰穎，稟賦剛毅，品行不苟，刻苦奮鬥，畢業於潮安福音醫院，成績優良，受聘理院務，旋擢副院長，在職忠勤，活人無數。一九一六年創健安藥房于潮城，濟世活人，口碑載道，善經營，蔚成大業，一九二一年，潮安堂會舉為長老，于公益慈善，竭誠贊襄，致力教會建設，抗戰期間，勸節歸鄉，鄉人求醫，不辭勞瘁，贈醫施藥，利溥貧民，時潮安教會，經濟困難，賴其維持，鹽灶母會，亦多襄助。綜述其生平，服膺天國主義，發揚基督精神，服務社會，濟物利人，中華基督教會汕頭區會委為自立經濟委員會委員，方冀多所建樹。遽于民國卅一年七月勞瘁不起，賢志以歿。

享壽五十有六，葬于蝶巖山之陽。

林性天長老

林長老得生，字性天，澄海鹽灶鄉人也。生于一八八九年，為章造牧師之第四公子。幼就讀志上小學，長而務農，後改營商。稟賦聰穎，性情剛直，崇信聖道，事主熱誠，為人慷慨仗義，果斷，鄉人共戴。于一九一二年被舉為鹽灶堂會執事，一九二八年擢為長老。又經區會舉為特舉會員，派任慈善部部員，襄理教養院院務，復任志上小學董事長等職。其對社會公益，靡不竭誠提倡推行，歷任鄉保長，暨商民協會職責，忠誠服務，博得社會好評。生平服膺基督教訓，以服務為責志，持己廉，待人誠，事主虔，處事直，熱愛教會，公重于己，教會經濟，多所籌劃，誠不可多得之人材也。方期本其經驗，為主宣勞，贊襄教會，詎竟于一九四五年二月十八日，蒙主召歸，享壽五十有六，所遺男三女十。

林性純長老

林長老天餅，字性純，澄海鹽灶鄉人也。生于一八七八年，幼失學習農，後業商。少年聞道而信，即棄絕惡僻，于一九〇一年，受洗進教，勤讀聖經，六日倍加勤作，主日銳

志學道，其父異之，昆季屢進諫言，輒遭父責，謂能效彼更往，從此守道益謹，信心益堅，事親彌孝，父母愛感，因以版主。一九〇四年，被選任執事，在職忠勤，一九一三年，擢任長老職，至一九四五年告退，計任執事職者九年，任長老職者卅二年，共歷四十有一載。襄理會務，巡慰會友，敬主愛人，視教會猶家庭，數十年如一日，深得會友愛戴。退任後，尤竭所能，作巡撫工作。朝夕誦經，能背若干詩篇，殊可佩也。綜其生平，正以持己，誠以待人，克勤克儉，忠厚誠樸，和藹可親，里人不論老幼，必稱長老而敬之。一九四九年為百週年紀念年，方期可與全會，同慶重典，詎于四月十六日，主旨已屆，榮歸天家，享壽七十有三歲。病中猶懇勸顧念教會，勉諸職員，同心協力，熱中為會，痛國事之凋殘，悲人心之陷溺，口吟「中華版主歌」，為國祈禱。懇切為主作證，力勸戚族悔改，效保羅「為我弟兄，我骨肉之親，就是自己……與基督分離，我亦願意」。臨終時頻呼：「我心平安，我返天家矣」。噫！若長者者，誠基督之忠僕也。

林澄清長老

林長老諱文利，號澄清，饒平所洲鄉也人。一九〇三年聞道而信，一九一〇年獲選任執事職，是時堂宇尚屬租賃，

鹽灶堂會百年紀念刊

處陋狹隘，乃力謀擴充，籌購地段，以便改建，多方擊勸，遂得鳩工庀材。翌年，新堂告成，殿宇輪奐，崇奉爰慶得所。一九一五年由執事著選長老，前後歷十五載。事主忠，治會勤，持已恭，待人誠。取與公，齊家有序，教子有方，會友疾苦者慰之，窮困者贖之，親族間里紛拏者排解之，於是內外稱焉。長老晚年，益關懷教會，策勵後進。方期安享天年，使教友多得贊助，孰意主旨有定，竟於民國廿年六月十七日夜安然歸主，享壽六十三歲。

重行翁

翁澄海鹽灶上社人也。為革命先達，以饒勇知名。少壯聞道而信，乃翁因親族煽言，力阻無效，縛之深海，誓性欲死之，幸遇救，遂被逐離家，隻身求活，飽嘗風霜，志未稍變，逢主日必到堂，朗誦聖經為眾誦。開教時。獨當其衝，遭擊打細禁，然為謀和，忍痛不自於官。神恩特眷，家道日豐，內外子孫昌熾，有供教會牧職者二，從事傳道工作者五，任長老執事者七，可謂後山更高。

光裕翁

翁澄海鹽灶上社人。家道素豐，為同時代信徒之冠，太

夫人安姆，首先信道，逝世之日，教會全體執紼，翁大感動，因而決志改宗，導全家皈主。雖終其身為平信徒，然以教會事為己任，庚子前數年，鬧教事端，翁對錄公庭，以一家十八口為質證於官，衛道之誠足為後進矜式。

翰老媪

翰老媪，澄海鹽灶港頭林章漢牧師之曾祖母也，平生佞佛，除日常齋戒焚香外，每年稟積手擘白米，背登蓮峯朝山，七十歲時朝山失足，跌成駝背。後決志歸真，到堂禮拜，乃夫聞之，拳足交加，媪俱忍受，且時為代禱。且能與主同工，獻身傳道，播種於柘林，足跡並及揭陽之新亨，導引多人信主。其為人光明誠實，正直清潔，自奉儉樸，待人慷慨，可謂以身成道，享壽八十八歲無疾而終。

林腓比

林腓比，澄海鹽灶堂先進續順公之長女也。為淑德女校首屆畢業生，歸創鹽灶堂女校，桃李成材，厥功甚偉。歸饒平黃崗李姓，翁姑俱該地熱心信主先進，鄉族迫害殊甚，不得已避地鹽灶，子四女三俱教會後起英秀。

張媪鄭信徒

張媪，誕育子女五，廿四歲，聞道信，常偷赴鹽灶禮拜，族人忌之，嗾其夫加以毆打，然媪志不變。每主日以巾蒙首，不事妝飾，其夫為所感亦歸真道。由是更導引族內及鄉中勸婦皈主，而奠仙洲堂會之初基，嗣後子媳全家踵隨基督，族人迫害甚烈，媪每為代禱，且託鄉中林姓及遠地同宗出言和，始得相安，今仙洲堂已三具其址，尙懸媪遺像於客堂，以示景仰云。

祝詞

官浼民遺作

中則不偏從右訓
華而能實在人為
基固黎牧兩洲始
督奉耶穌萬世規
教養兼施常奮發
炎涼不變永追隨
灶中爐火純青候
堂上臺燈旭日輝